


ISA, KONKA INE

 Ukuba, iyo, lilya caali ninshi Becky talati afyalwe. Elyo kabili Na—Na tontonkenye ukuti, “Ukuba, namwishiba. . .” Ndyā—Ndyā fye imbale ya tumusunga, uto mwinga shita no lupiya ulunono. Ukuba, Ine ifyo. . . Bampelafye itikiti lyandi, elyo nalembapo, mwamona, elyo Nalipila, nababwesha, elyo Napwisha fyonse, pantu Nalikwata umo ulupiya lufuma nga ndefwaya ukushita ifintu.

² Kabili ubushiku bumo twakwete i—imitingi ya bashilika. “Owe,” batiile, “ni nani uyu uwaulungana uwaishile pilibula ifintu nga filya?” Mwamona? Uwali—uwali umukalamba pa kati kesu, namwishiba, “Ama centi ikumi limo impiya yakushitamo icakulya ca mwikulo?” Kanshi ico cimoneka ica mutengo uunono kuli bambi abantu, namwishiba. Bamo pali balya balebomfya dola umo, mwamona; ama dola yabili ayakushitamo icakulya ca cungulo. Elyo Ine nalipila filya fine nalekabilwa.

³ Cisuma, Ine nasosele nati, “Kwena, nombā, tacilekabila ine ukulipila na kabili. Bushe finshi Mfwile ukucita nga Nalya, apalingene ama cents ikumi?”

⁴ Mista Fields, uwali inkonkani ku mukalamba wa ncito, atiile, “Billy, lipila dola umo, cawamapo, ifyo fine.” Atiile, “Ifyo efyo abantu bonse balecita.” Atiile, “Ufwile wasankanya ifyo capamo.”

⁵ “Cisuma,” Naine natiile, “Nshi—Nshi lile nombā kabale fye ka musunga, nao ati ee efyo Mpingula umutengo ifyo fine.”

Natiile, “Oh, tekwsha, wilacita ifyo.”

⁶ Kanshi, nombā Natontonkenye ukuti, “Finshi Nalacita na na cilya?” Elyo Naleshitisha ama centi amakumi yasano icakulya ca mwikulo. Kabili Naisa buulapo ama centi amakumi yasano, nga Ndefwaya ukushita ifili fyonse, napeela abana ba mu musebo; bamo abana, namwishiba, balemoneka kwati balekabila umukate uunono uwamikwamo tumo, pamo. Kwena, Natontonkenye nati limbi kuti Ine. . . Ifyo fine, cali ni kampani, ine, iyalelanda kuli ine muli ulya musango. Kabili aali muntu ukufuma ku kampani kalya kene.

Kanshi, Natontonkenye ukuti, “Limbi Na—Na lilufyanyapo cimo.”

⁷ Kanshi kuno tapalati pakokole sana, naulya kapokola. . . Nombā balonda incende ukubomfya indeke iitwa pakapaka, mwamona. Kanshi afikile palya no kwiminina. Ena atiile, “Ati, Munyina Branham,” atiile, “ici icimuti cilekula.”

Natiile, “Ee.” Natiile, “Abana bangalila mwisamba lya cimuti cilya cine.”

Nao atiile, “Bushe kuti twa cisailako?”

Natiile, “Ee, nomba tekwasha ukucitema. Mwamona?”

Nao atiile, “Cisuma, ifwe kuti twatemwa ukucitema. Twalamulipila nga twaciputula.”

⁸ Natiile, “Awe. Awe. Nshilefwaya ukuti muciteme.” Ee, Ine nalishiba amafunde ayasuminisha uukwete insambu sha kupita, nasho shine, namwishiba, pantu Nalikokwelemo imyaka cine lubali. Naisa sosa ukuti, “Iyo.” Natiile, “Nshilefwaya kuti muciteme, nomba kuti mwacilinganyafye.” Natiile, “Nda—Nda cipusaulafye, nomba,” Natiile, “naimwe kuti mwacita cimo cine. Kutu mwacilinganya nga mulefwaya.” Natiile, “Ine, Munyina Wood na Ine, tulepanga ukucipusaula. Tulapusaula fyonse ifikonkene apa.” Kabili Nasosele nati, “Pantu tufwile ukusunga icimuti pa mulandu wa bana aba, Joe na bambipo, namwishiba, abana banono balangalila mu mwisamba lya cilya cimuti.”

⁹ Nalishile fumapo naya pa bulendo. Lintu Nabwele, nasangile baliputula balifumya napo. Oh, ifyo cali cakupamfya kuli ba kampani, mwamona, pa mulandu wa kutemaa cilya icimuti, mwamona. Kabili eico kanshi Natontonkenye ukuti, “Nomba,” atiile, “mwe Shikulu, Ine nshakalande napo pali cilya.” Mwamona? “Nangu pali icili conse ico Ine—ico Ine, pali cilya, shimo inshita ukulalipila, ukulalyafye ifilingile, elyo walipila ama ‘centi yasano.” Mwamona? Natiile, “Nga paliko icili conse pali cilya, lekeni bakumanishe, mwamona, pakuti—pakuti Ine—pakuti Ine ninga bikamo cilya, mwamona. Pakuti Ine . . .” Elyo Nalekele no kutontonkanya ukubomba mu Kampani ka Buteko ilya nshita, mwamona, pantu calingile fye ukuba icintu icalubana kulya.

Tufwile ukukutuluka fintu tucita. Pantu tukafikumanya bushiku bumu.

¹⁰ Abana banono, palameni kuno. Banyinenwe baali kuno, bulya bushiku bumbi, Trudy. Ndesubila tawa, tawacishiba. Ici cili kwati nacikupapusha, Ndemoni. Elyo ulelelela ukupitapo apo. Kabili twalekwata aya amalendo capamo. Nalaya nomba mukulongana, bwangu bwangu fye panuma ya kulongana uku. Elyo tukesha bwekela ku nganda.

¹¹ Nacitontonkanya ati ukuti caba ni nshita iisuma ukulanda na imwe, elyo na kabili natontonkanya ati kuti yaba inshita iisuma ukulanda ku baice mu kashitafye akanono lintu tamulapita apa pa mushinku. Nalabelenga fye ilembo ukufuma mu Baibele, elyo no kulanda naimwe ukufuma pa mutima wandi, ukulingana napa ma miniti ikumi limo. Nalaisa fyufyutuka mu nshila yenu. Mwamona?

¹² Lintu Nshilati nande ku bana abanono, kuti Natemwa ukulanda kubakalamba ica kubalilapo muli miniti umo, ukulundapo, naimwe bonse. Cili kwati, na kalimo, bulendo ubwakunasha, eflyo bwali. Nomba icakukumanya ico

Nasambilila ukufuma kuli Lesa, tekuti Mbule ama dollars amakana ikumi limo pafyo Nasambilila palwa kwa Shikulu ukutula apo Naishila kuno. Nalicetekela mu cine ukuti Naisa mu kunakila ku malango ya Wapulamo, kabili Nde—Nde subila ukuti Nkakonkanyapo ukuba filya fine. Kabili kuliko na . . .

¹³ Nga Naisa, icintu cimo, caali ni mu cimonwa, ica kuti Naiminine pa muulu wa Tucson palya lubali lintu ica—ica—ica kupoleka calilile. Ukuba, Munyina Fred aali palya lintu capoleke. Elyo bakopele na cilya cikope, namwishiba, mu makumbi. Kabili Nshatontonkenyepo saana pali cene, nshacilwike. Kanshi calitampile ukunsekeshwa munshila imo, ubushiku bumbi. Kabili na Munyina Norman, ba wishi wakwa Norman kuno, balinjebele, batiile, “Bushe walilwike ici?”

¹⁴ Nomba lintu fye Naloleshe, palya pene epali ba Malaika pa lwalala fye nga filya Bengamoneka, bali palya mulya mu cikope. Mwamona? Naloleshe no kumona lintu cacitike, caali ninshita, imo ine, ukufika na pa bushiku bumo atemwa shibili, nakalimo ubushiku bumo atemwa shibili lintu Naile palya. Nalolekeshe apo caali. “Mupepi na ku kabanga nga muleya ku kapinda ka ku kulyo ku Flagstaff, atemwa Prescott, icaba pesamba lya Fragstaff.” Cisuma, palya pene epo twaali, mwamona, filya fine fye.

¹⁵ “Ama mailoshi amakumi yabili na mutanda.” Mulandu nshi, umwela uwakabisha teti iciluke—ukuciluka yane, ama mailoshi ukulepela pa muulu, atemwa yasano, umume, nangu umusango umo wine uwa fubefube nangu icili conse, mwamona. Indeke shipupukilapa makana ikumi na pabula. Apo ninshi kupulinkanya mu makumbi, mwamona. Kabili amakana ikumi limo na pabula kulingana na ba mailoshi bane ukulola mu muulu. Ici ma mailoshi amakumi yabili elyo na mutanda ukuya mu muulu, kabili na ma mailoshi amakumi yatatu mu bwipi, Kabili mu kumoneka nga pyramid, nga mwaliloleshapo pa cikope.

¹⁶ Elyo ku kulyo, nga filya Namwebele, Naishile iluka, bwino bwino, ulya Malaika. Palya epo Ena aali, ne chifuba nafumya, amapindo kunuma, aleisa mu kwingila, ulya wine fye umusango cabelelemo. Nshacilwike lintu Bene pa kubala . . . Paliba ifintu ifingi saana.

¹⁷ Lintu naletentemukila mu musebo bulya bushiku bumbi, kwaliko icintu cimo icacitike icalandile kuli ine ukulola ku cintu ico Ine—Ine mfwile ukucita. Elyo taili—taili ni mbila yandi.

¹⁸ Pa nshita imo, Leo Mercier atiile, atiile, “Munyina Branham, inshita ikesa panuma ya ici,” atiile, panuma ya myaka isano atemwa mutanda, limbi ukufika na kuli cine lubali, atiile, “Shikulu akalula ubupyungishi bobo, Munyina Branham.” Kabili asosa ukuti, “Lintu Ena akacita ico, iwe ukalatantika fye limbi ifipatala, elyo nokweba abantu ukufuma mu—

mu masanshi ya fimbipo.” Tacaumfwikile bwino, nangu Nalicetekela Munyina Leo aleesha ukuba uwacishinka pali ici.

¹⁹ Nomba tacaumfwikike bwino, pantu, mwamona, Shikulu wesu Yesu tacitile cilya. Mwamona? Kabili Ena nomba aile namu fipatala. Mwaliko na umo mulya mu cipatala. Bushe mwalishiba apoabela mu Baibele? Pa cishiba ca Bethesda. Cinkupiti wa bantu abalemana baali palya, abalesunkuta, abalemana, impofu, aba bulebe, balelolela Malaika. Nomba, ico caali ni mu cipatala ca ku mupashi lintu abantu balelolela pa bundapishi bwa Pulamo. Apa nomba Umwine wa Bundapishi bwa Pulamo aishile no kundapapo umo epela no kuya aya. Kanshi tekuti mwenekele umuntu uwa bu mubili, atemwa ubupyungishi ukwisa, ubwingacila bulya. Mwamona? Nsha suminishenya na cilya.

²⁰ Nomba lintu Natendeke ukupilibuka, u Mupashi wa Mushilo waishile pali ine. Naishile ipusha Leo akalembelo. Nabuula ne pepala, elyo Nalemba cilya. Fisangwa mulya tusendela ifintu kunuma ya motoka pali ino nshita, nga kuti mwasangwa mulya tusungila. Ni lilya itolokoshi lya cela muntu Nsungila ifya kubomfya. Nga mwafika fye pa ciibi, kwalibako apa kutantika ifintu ku kulyo, palya pene fye pa ntanshi ya cilya tusendelamo ifintu ku numa ya motoka. Palya pene epo fyabikwa. Nabikile mulya mwine. Atiile, “Ubushiku bumu ukesa cibuala. ‘Lesatapakilibule ubupyungishi, lelo Ena akalula umuntu no bupyungishi.’” Ico ecikacitika.

²¹ Mwamona, Ine—Ine nalishiba ico Mfwile ukucita, nomba Ine—Ine—Ine teti, Ine teti ncite ici mu musango untu Mbelelemo nomba. Pantu, Mfwile. . . Icintu cimo cifwile cacitika mukati kandi, cilya cikasenda Lesa ukucitita.

²² Tuletonta pa kubwekela ku ng’anda. Abana nabafuluka, bonse belefwaya ukubwekelamo. Kanshi Ndetontokanya pa kuba bwekeshamo, Shikulu nga asuminisha, limbi panuma ya kulongana pa Cibelushi, elyo no kubwekelamo. Ukufuma palya, Nshishibe. Lelo Ninjishiba kalya kene kashita cilya cikacitika muli ine, icakulenga ine ukumfwa ukuba ukulola ku bantu, ukupusanako ne fintu Ncita nomba. Nalikene a—a bantu, mwamona, kabili Nsha—Nsha lefwaya icili conse ica kucita nabo. Namwishiba umo Ndelosha, ifyo Njita “ricky, ricketta,” balikwete ifintu ifyo bacitile. Nashimikile na bucishinka bonse, na Lesa ali cishininkisha mu nshila shonse. “Elyo nga cakuti balifililwe uku Cicetekela, mulandu nshi, kanshi ninshi balekeni babe.”

²³ Naleyakulya, mukuilunda capamo na Bud inshita ileisa, ukutendeka ifya kupepanya mu mifwalile kulya. Ukulolela mu matololo, ukuleka imishishi yandi kabili no mwefu wandi ukumena. Kabili nga Shikulu alifwaile ukuti ndeya ukuli konse, nga Alintumine icebo, elyo nga Naliile no kucita ico.

24 Kabili mu musebo, pakwisa muli bulya bushiku, Ena ali njiminike. Kabili Namwene apali. . .cintu Ine naleisako. Ine ndi—Ine ndi munshila ya cintu cimo nomba. Elyo Natontonkenye ukuti, nga Nafika ku ng'anda, Nkapanga ico tutiila ilyashilya kusosa pa mutima-na pa-mutima, limbi kuti mwabika ici pa tepu, kabili nomba pa kuti icina bwingi cingamona ukupilibulwa mu kampampa.

25 Nomba, imwe mwe bana banono, natucite ici. . .Natubale tukwate ipepo ilipi.

26 Shikulu Yesu, tuli abakutotela pa kashita aka, pa kwishiba ukuti tulonganane apa, abaice kabili na bakote, elyo naba myaka iya pakati. Kabili natulongana, uku lubali lwa Muyayaya, na kabili pa kulanda pali Imwe kabili na pa fintu ifilola ku Mweo wa muyayaya.

27 Kabili na aba abaice abekele muno cino cungulo, bamo baleciluka pa mushinku umo, bamo nabo baliciluka kale. Nomba Nailuka, Shikulu, icintu cimo ica citike lintu takulacitika kulya kusunkanya ukwamaka, atemwa ukupoleka, lintu takulati kucitike mulya mu mpili palya, ukulola ku kapinda ka kulyo ka ku Tucson, lintu ba Malaika bakwa Shikulu baikile panshi. Ndebukisha ifya soselwepo, kabili—kabili ukucishapo fye abaice. Namipepa Imwe, Shikulu, ukutwafwa ukwiluka. Kabili lekeni Nandeko fimo kuli bacibusa abanono aba, cino cungulo bushiku, ifinga bafwilisha mu bulendo. Pantu, Shikulu, bonse tulekabila bulya bwafwilisho pali ino nshita.

28 Tupaleni capamo. Eleleni imembu shesu. Nga pali icili conse ico twacita ukutula pa nshita twabela kuno, ifisha mutemwine Imwe, twapepa ukuti Imwe mutubeleleko uluse pali ico. Pantu twailuka, ileelo, ukuti ubwa mailo teti—teti bube bwesu. Tatwishibe ubwa mailo ifyo bwinga tuletela. Tufwile ukupekanya leelo paku kumanya ubwa mailo. Kabili, Taata Lesa, kwabafye inshila imo iyo twishibe tufwile ukucitilamo ici, kucita fye, ukupekanya ukuti twingamona Imwe, pantu umwisa nshiku tuli abailuka ukuti tuli abakwanisha ukucita ico. Kabili tufwile ukucikumanya inshita imo, cibe ni mu mutende, nga cibusa atemwa umwana, atemwa ngo mulwani. Cibefye ica kutali, Shikulu, ukuti tube icili conse kano abana Benu Mwebene abatemwikwa. Suminisheni ifi fintu twalomba, mwi Shina lyakwa Yesu. Amen.

29 Ileelo, lintu Nacilakwempa ifyani, kacelocelo saana, Nacisanga incende imo mu Baibele, Nacitontokanya kuti caba icintu icisuma ukubelengapo pali ino nshita. Elyo cili limbi. . . tekuti cibe icaemba icalingana, nomba Ine nacitontokanya pa. . .pa—pa ma miniti ayanono fye, ukulanda. Ndefwaya ukubelenga ici ukufuma mu 18 icipandwa ca kwa Luka Washila. Bonse bakalemba ba Mbilansuma pa mpendwa shine balilemba pali ico. Chapitala ya 18 elyo na versi ya 18.

Kabili kateeka umo alimwipwishe, atiile, mwe Kasambilisha Musuma, Ndecita nshi pakuti nkakwate umweo wa muyayaya?

Na Yesu atiile kuli wene, Cinshi ico wanumbwila umusuma? takuli musuma, kano umo, uuli ni, Lesa.

Waishiba amafunde, Wilacita ubucende, Wilaipaya, Wilaiba, Wilabepesha, Cindika wiso na . . .noko.

Kabili. . .atiile, Fyonse ifi Ine nalisunga, kabili nalama fyene ukutula ku bwaice bwandi.

Na Yesu pa kumfwa ifi fintu, atiile kuli wene, Wabulwa icintu cimo: shitisha fyonse. . . ifyo wakwata, no kwakanya ku babusu, . . . iwe elyo ukaba ne fyuma mu muulu: . . . isa, no kunkonka.

³⁰ Ndetontonkanya, ishiwi, *Isa, Konka Ine*, ekupanda amano ukusuma sana Ine ningapela nga Ndelanda ku bana abanono aba mpendwa amakana ikumi limo, nangu nga Nalelanda pafyo Ine ndi. Cipope, kabili icintu icikalamba ico Ine ndetontonkanya icapelwe ku muntu uuli onse, kabili ukucishapo umuntu uwa caice, “Konka Ine.”

³¹ Ukakonkapo umuntu umo. Nomba, ufwilefye. . .Kuti waibukisha ico. Ukakonkapo umuntu umo. Kabili umusango ulekonkelamo umuntu, ushininkishe ukuti, ni ani umuntu ndekonka. Mwamona? Ifwe. . .

³² Paulo inshita imo atiile, “Beni abakonka ine nga filya na Ine naba uwakwa Kristu.” Mu mashiwi yambi, “Nga filya Ine nkonka Kristu, naimwe nkonkeni.”

³³ Kabili nomba, muli ino nshita ya kupilibuka, iyi—iyi ncende ya bwikashi iyo twisamo. Kabili inshita ishingi mwalingumfwapo ine ukupaata “ricky, ricketta,” na fimbipo. Ni, ni nshita. Ninshita iyo tuleikalilamo. Te balya bantu iyoo.

³⁴ Balya bantu baba bantu fye nga filya naifwe twaba. Balya abana banono palya ne fyela ifyakaba, balebutauka uku no ku mu misebo, no kucita ifintu umusango bacitilamo, balepepa fwaka no kunwa ubwalwa, na bakashana ukufwala bubi bubi, na fimbipo, bena bakashana na balumedo ngefyo naifwe twaba. Mwamona? Bantu fye. Balatemwa. Balalya. Balanwa. Balalala. Balapema. Balingile ukufwa. Bantu fye ngefyo naifwe twaba. Kabili libe bena baliba. . .

³⁵ Baliwilwa no mupashi uwakowela. Nomba tabaishiba. Te pa mulandu wa—wa bantu, lelo pa mulandu, shimo inshita, shimo intungulushi ishibatungulula eshabalenga ukutungululwa mu nshila iya lubana.

³⁶ Nomba, imwe mwe bakashana na balumendo abaishiba bwino ukucila apo. Mwalishiba. Mwalisambilishiwa ukucila apo. Mwalikwata abafyashi abasuma, ukukanshiwa ukusuma icakuti teti mucite ica musango uyo. Mwalishiba bwino.

³⁷ Nomba balafilwa, mwamona, pantu ama chalichi bayako yaba ma chalichi aya fyangusha, ya lyangusha ifintu. Kabili bena—bena bekalila pali ino nshita, abalumbuka ukucilapo. Kabili, Oh, owe! Cinshi ico. . . Imibele ibi yaisa aluka ubulumba kuli bene. Mwamona? Kanshi bena, cinshi. . . Nga filya Ine nasosele inshita imo, ukupitila mu bwangalo ubo Namwene kuno kwine, tapakokwele iyo, palwa Sodoma na Gomorrah, ukuti uyu uwawilwa ne ngulu umwanakashi aosele kuli—kuli Lot, “Fintu muleita ifyakowela, Ine ndefiita ubulumba.”

³⁸ Yesu atiile, “Nga filya caali mu nshita ya kwa Noah, efyo cikaba pa kwisa kwa Mwana wa muntu.” Elyo tufikile pali ilya nshita na kabili.

³⁹ Natuloleshe pali uyu muntu, pa kashita fye akanono, ico tubelengapo. Ukwabula ukutwishika uyu muntu afyalilwe mu ng’anda iisuma, nga filya imwe mwe bana abanono mwaba. Akushiwe na ba fyashi bakwe abasuma. Pantu, calishininkishiwe, lintu Yesu apele kuli wene amafunde yakwa Lesa. Ena atiile, “Nalibaka ifi fintu ukutula na ku bwaice bwandi.” Calangishe ukuti ena aali—ena aali—ena aali kushiwe bwino. Ali fye umuntu uwa tekanya. Kabili namwishiba, ena—ena akushiwe uwaishiba icalungama, nga filya naimwe mwe bana banono mwaba. Limbi ukupitila muli banyina na bawishi abakwete akatina ka kwa Lesa, aba—aba—aba lemufunda ukucita icisuma, lintu aali umwaice. Cacine, ico cisuma.

⁴⁰ Limbi, ngo mwana umunono, nyina alikwetepo ukukabila ukwa kuti akabepo umuntu umu umukalamba pa nshita imo ku ntanshi. Wishi wakwe alikwatishe ulupiya, ulwinda mulenga ukuti asambilile isukulu kabili—kabili no kumupeela amasambililo pa kuti. . . ukuti engafikapo ukusambilila no kucitapo icintu cimo mwi sonde. Kabili ukupitila muli bu cishinka bwaba nyina naba wishi, mu kusambilisha uyu mwana, no kwisa fika pa mushinku wa kukula ngefyo na imwe muli, mwamona, inshita aleya ku sukulu no kupita mu masambililo. Ukwabula ukutwishika ena aali wakuletela icilumba ne cimwemwe mu—mu bumi bwakwa nyina na wishi. Ukwabula ukutwishika, muli shilya nshiku, alikwete ba kabalwe abaemba, nga filya mwakwata imyotoka, kabili na wishi umusuma na nyina nga filya bonse imwe mwaba, abalolesha ukuti, namukwata ifya kufwala ifisuma, kabili—kabili na motoka, elyo kuti. . . kabili no kuipakisha ubwikashi, nga filya fine naimwe mwakwata ileelo.

⁴¹ Kabili wishi na nyina pamo na. . . ukupitila mu mapepo ukwabula ukunaka pa kuti—pa kuti umwana wabo teshileba umuntu yawe yawe, ukuti aisaba umuntu uwaibelako. Bonse abafyashi efyo bafwaya. Bushe mwalimwene Yesu alelosa ku mafunde, “Cindika wiso na noko,” elyo aiminine? Mwamona? Kabili cilya ecikabila onse umufyashi onse, ukucitila abana bakwe icisuma, ukufwaya ukucita, uku basambilisha,

ukubacitila ifintu ifyo na bene tabenga kwanisha ukuicitila. Ifyo eflyo na Ine ntontonkanya pa bana bandi.

⁴² Ntontonkanya ukutila, shimo inshita, ukupitila mu kuya ku sukulu, nomba; Ndetontonkanya, ukutuma Becky na Sarah na Joseph kuli aya amasukulu ya pa muulu na fimbipo, umo ifi fintu ficitika? Ndetontonkanya ukuti Nkabatwala elyo nkabwekele ku mpili, kabili—kabili no ku bakushisha kulya pamo na . . . nga filya ba Mwenye bekala.

⁴³ Nomba ifi efintu caba. Icaba mu mwana cikamonekela. Nangu cibe pesa, cifwile ukukwata, cikamonekela. Nga cintu cabipa cabamo, cikesamonekela mu nkambi ya ba Mwenye. Nga mukati mulya mwaba icisuma, cikesamonekela mu nkambi ili yonse. Mwamona? Ni cilya icaba mu mwana, ifyo umwana afyalwa, ni cilya icaba mukati kobe. Kabili ifyo uli pali ino nshita eflyo ukaba umweo obe onse. Uli pa ncende ya kupilibulwa.

⁴⁴ Bushe mwalishiba ukuti? Ukupilibulwa kuli Yesu Kristu ukufika na pa makumi cine konse konse pa mwanda umo yacitwa lintu umuntu talati afike pa myaka amakumi yabili no mwaka umo. Cilalangisha ico. Ifya kupendawila efilangisha ico. Icipendo amakumi cine konse konse pa mwanda umo abesa kuli Shikulu, besa kuli wene lintu tabalafika pa myaka amakumi yabili no mwaka umo. Imwe, nga mwacila ulya mushinku, ninshi mwapangwa no kulimbwa mu nshila shenu. Oh, kuti cacitwa, ifyo fine. Balesa, amakumi cine lubali, amakumi cine konse konse, iya kufyalwa, nomba tafyaseka. Mwamona?

⁴⁵ Umuntu esa mukupangika ifyo afwile ukuba pa nshita acili umwaice. Mwisalwenu mukutantika fintu mufwaya ukucita, elyo nefyo mufwaya ukusombolamo mu bwikashi bwenu. Mula tontonkanyapo. Lintu mule tontonkanya, nakuba, amano yenu, filatwalwa mu mano yenu ukupitila mu cintu cimo icishashibwa ici—ici senda incende iikulu mu mano yenu. Nomba lintu cisa mu mano yenu, elyo mwacisosa, ukuti mwalacitita. Palya nomba ukukabila kwenu kulesa mukumipamfya ukuti mucicite.

⁴⁶ Kanshi, nyina na wishi, ukwenekela uyu umulumebo uku . . . ukukabila kwakwe ukuba ukukalamba; ulupiya ulwingi ululefwaikwa ukuti cicitwe. kabili nomba, ukwabula ukutwishika, balepepa ukuti uyu—uyu umwana enga—enga kwata lilya ishuko. Mwamona, bena—bena ninshi balicita conse ico balingile ukucita. Kuti limbi alikwata ba kabalwe abasuma, elyo—elyo limbi kuti aali uwalumbuka pa banakashi.

⁴⁷ Kabili ifinga bombeka ku mwaume, kuti fyalola naku mwanakashi, nangu mu nshila iimbi, mwamona, pantu tulelanda pa bumi bwa muntu, umweo, bonse pamo umwaume no mwanakashi.

⁴⁸ Kabili nomba, panuma ya ili ishuko umulumendo akwete, mwamona, esa mukuba “pa bwana lale,” efintu twita, pa ncende intu talesakamana sana. Aba fyashi bakwe balikwete

ulupiya. Ena aali . . . Ena aali sana . . . Aali intungulushi. Eko Baibele ilangilila apa, pa lwa . . . nga umulumendo, umulumendo intungulushi ya fyuma. Kabili tulemona . . . Pa nshita ya bwaice bwakwe, limbi pa nshita ya bulumendo bwakwe, lintu alefuma ku sukulu, panuma ya kutantalila mu myaka, na kalimo, lintu imilungu iinono tailati ipite, nangu ifyapalako, aishileba . . . Ali kateeka, elyo alikwete conse cintu umutima wakwe walekabila.

49 Kabili umulumendo taali nga aba ba cintomfwa. Mwana umusuma. Nincetekela, lintu Luka alembele palwa ici, atemwa Marko, Nincetekela eflyo caali, Yesu aali muloleshe no kusuminisha, pantu Ene ali mutemenwe. Mwamoma? Palipo icintu cimo pa mwana uyu. Kwaliko imibeke imo iyali mu mwana uyu. Kuntu afumine? Afumine ku lupwa ulusuma ulwa musambilishe amafunde yakwa Lesa, no kushininkisha ukuti ayakonka. Kabili alicitile ico, ukutula ku bwaice bwakwe.

50 Kabili uyu mulumendo alikwete ifyo alefwaya ukuba; alefwaisha u Mweo wa Muyayaya. Atiile, “mwe Kasambilisha Musuma, finshi Ningacita pa kupyana u Mweo wa Muyayaya?”

51 Mwamona, bonse imwe mwaishile mwi sonde, libe umweo mukati ka imwe ulemweba ukuti kuli icintu cimo mulekabila, ico mulebulisha. Ukupitila fye mu fyuma . . . Atemwa, tacikabila lyonse ukuba ifyuma. Kuti limbi caba, kulumbuka, umukashana uwaemba, ali emba ica kuti no mwine alifilwa ukushininkisha. Limbi alilumbuka pa sukulu. Limbi umulumendo kuti abuula umukashana untu engatemwa. Elyo aumfwa kwati ali uwa cingililwa. Uko tekucingililwa. Ico cika bonsa kwati liluba mwibala. Mwamona? Cikapita. Tacakatwalilile. Kubalikilapo fye kwa kasuba, ninshi capwa, nomba namukwata umweo uulekabilwa ukwikala u Muyayaya.

52 Kabili uyu umulumendo cili kwati alikwetepo imisango iisuma, pantu aipele umwine kuli Shikulu Yesu, ukwishiba ukuti alingile ukufukama pa makufi yakwe. Atiile, “mwe Kasambilisha Musuma, cinshi Ningacita pa kuti nkwate u Mweo wa Muyayaya?”

53 Nao atiile, “Mulandu nshi uleita Ine umusuma,” atiile, “Libe walishiba na bwino bwino ukuti kwaba Umo umusuma, elyo uyo ni Lesa?” Mwamona? Cinshi ico uyu mulumendo alangishe muli ici? Ukuti Ena aali ni Lesa. Mwamona? Atiile, “Walishiba amafumde. Ule yabaka.”

Nao atiile, nomba atiile, “Mafunde nshi, mwe Kasambilisha?”

54 Atiile, “Amafunde ya kuti ‘cindika wiso na noko,’ nafimbipo.”

55 Atiile, “Ifi efintu Nacita, ukutula ku bwaice bwandi. Mwamona, Nalicita ici.”

56 Atile, “Nomba ulebulishako icintu cimo. Kabiye, ushitishe fintu wakwata, no kupela ku babusu, elyo u Nkonke.”

57 We shuko we! Ico nga cali no kuba Petro, Yakobo, atemwa Yohane, umo pali aba. Mwamona, umwana aali uwakanshiwa elyo no kukushiwa bwino bwino, no kupelwa kuli Kristu, ukuti enga mubomfya ukulingana no busuma akwete, uku bubomfya, limbi uwasambilila, umwaice, umukankala, uwalongolo, kuntu aali no kutwala i Mbilansuma, nomba Aali cilekelesha. We cintu—we cintu ica kukana tontonkanya bwino ico icalekabilwa kuli uyu umulumendo! Mwamona?

58 “Konka Ine.” Nomba, mwamona, alingile ukukonkapo umo. Nomba, alingile limbi ukukonka ukongolwa kwa bantu alesangwa nabo, ukongolwa kwa mukashana, ukongolwa kwe bumba lya tulumendo tuntu alesangwa nato, bantu alesambilila nabo, atemwa ukukonka Yesu Kristu. Mu busuma bwakwe bonse, alishibe ukuti alibulishe u Mweo wa Muyayaya.

Mwe bana, ecintu mufwile ukutontonkanyapo. Mwamona?

59 Nomba moneni uyu mulumendo cino cungulo bushiku, ifyo alingile ukuba, kabili ne fintu aali, ifyo ali cino cungulo bushiku. Aali ku ncende imo ifi. Aali umwaume. Ali ku ncende kumo ifi. Alelolela Ubupingushi. Alelolela uku kumanya Ubupingushi bwa ilya Nshita, ukukana ishuko limo line ilipelwe kuli imwe mwe bana, mupepi fye muficitwa fimo fine fye; abana abasuma, imibele iisuma, ba wishi naba nyina abasuma, fintu mwakwata, tamulingile no kubomba kano fye nga mulefwaya. Mwamona?

60 Nomba kulabako icintu cimo icendela pamo na cilya. Kwalibako icintu cimo icendela pamo na cilya. Cilya i Cebo, cino cungulo bushiku, tacilefwa. Cili cakubeca kuli cila umo umo onse umulumendo, onse umukashana, “Konka Ine.” Mwamona?

61 Amashiwi tayafwa. Lyonse lintu walanda icili conse, uleibukisha, nangu ni muli motoka yobe mu bumfisololo, nangu ni mu cintamba, nangu kutentemukila mu fifutu fya mu musebo capamo no munobe umwaume nangu umwanakashi, ukuli konse kuntu cingaba, tacifwa. Cilingile—cingile ukwikalilila umuyayaya.

62 Lintu Namwene ulya mukashana untu Na. . . bulya bushiku mu cimonwa, umwaice umukashana uwaemba, uwa mu fya mangalo ya mu Hollywood, kabili Namumwene alefwa, alelwisha, alesha ukuti afwilishiwe. Afwile pa mulandu wa kupumwa kwa mutima, Nkashi Monroe. Kabili apo napapita imyaka ibili, elyo Nalemona kuntu alefwila. Elyo papitile inshiku shibili lintu afwile.

63 Nomba, ubushiku bwakonkelepo, Naumfwile ishiwi lya ulya mwanakashi. Mu nshila nshi? Abana balenjeba, “Taata, mulatentemukila ku mumana witwa River Of No Return, cila nshita.” Basosele ati, “Nabakwata ubwangalo ubwaba nga filya, cino cungulo bushiku.” Banjebele ukuti ubushiku

bushilile kantu bakabikapo, umulungu umo atemwa imilungu ibili ku ntanshi. Natontonkenye, “Cisuma, Ndefwaya ukumona cilya, pantu Naliyako kuli ulya mumana, imiku ibili atemwa itatu; limbi imiku isano, Kwati.” Cisuma, Na—Na lefwaisha ukumona cilya.

⁶⁴ Kabili Missi Marilyn Monroe ewa angele bulya bwangalo. Kwena, ulya e mwanakashi Namwene muli cilya cimonwa. Kabili aali palya, mu cikope, kabili ne myangalile, umusango umo wine ulya aangele mu *The River Of No Return*, lintu akopele cilya cikope, kuti papita imyaka ikumi limo na isano. Caali cikope ica kale, limbi imyaka amakumi yabili yapitapo. Kabili apo afwila papita imyaka ibili. Kabili moneni acilipo na kabili, uwa mweo, imicitile yonse kabili ne shiwi lyonse. Mwamona? Calishile kopwa pa tepu mpaka cicilipo na nomba.

⁶⁵ Teico cinefye epela, lelo conse ico tulelanda ukuti cicilipo. Yonse amashiwi yantu tulesosa tekuti yafwe. Ifileisa mu muputule nomba mashiwi fye, mu mibebe ya bantu. Icitunshi tunshi cena cikolafye. Kuti mwalanda apa pene, elyo bamyumfwa isonde lyonse, akashita kamo kene fye. Ne lintu fye tamulati mumfwe muno mu muputule, ishiwi ninshi naliya isonde lyonse, ukupitila mu nsale.

⁶⁶ Kabili na palya apa kufimwena apakalamba apa kwa Lesa palakola ifyo. Kabili konse ukwenda ne micitile yobe yonse, ufwile wa fikumanya pa bushiku bwa Bupingushi. Mwamona? Eico, mwe fibusa abaice, cintu icisuma ukwiminina, no kutontonkanya pali ifi fintu, mwamona, pantu ukacikumanya na kabili. Mwamona?

⁶⁷ Natukonke bwino bwino uyu mulumendo, ishuko lintu akwete, elyo muibike mu cifulo cakwe. Kabili umukashana, nga filya fine cili kuli Becky na Marilyn, nga filya mu nshila imo ine mwiminine mu cifulo cakwe, kabili muleumfwa ne Shiwi ilicili ilya mweo.

⁶⁸ Licili ilya mweo. Licili lileenda. Scienci ilanda ati, “Mu myaka amakumi yabili ukufuma nomba, bakasanga Ishiwi Lyakwe lilya line lintu Ena asosele, ninshi napapita imyaka amakana yabili.” Licili ilya mweo. Kwati kupona kwe libwe pali bamba, amabimbi tayapwa. Yalaya ku lulamba, ama mailoshi ikana limo, elyo yabwelelamo.

⁶⁹ Lintu ishiwi lyasoswa mu mwela filya fine, talifwa. Takuli nangu cimo ico mukasosa pa Bupingushi. Ni palya penefye. Kukaba i Shiwi lyakwa Yesu Kristu lilelanda kuli ulya mulumendo, “Konka Ine,” elyo ena ukupilibuka no kufumapo, pa citunshi tunshi, no bulanda, pantu alikwete ifyuma ifingi. Mwamona? Limbi ifwe tekuti...Te lyonse cikabila ulupiya. Kuti caba fintu fimbi. Mwamona? Icintu conse ico twatemwisha ukucila ifyo tucita ifyo twita, mwamona, cisa mukuba kwati lupiya kuli ifwe. Cisa mukuba icintu icitukowesha.

⁷⁰ Nomba natumukonke panono fye. Cinshi cicitika nga ashintuka no kuya? Taumfwile kuli lilya Ishiwi lyakwa Kristu. Aile pamo ne fibusa fyakwe.

⁷¹ Efintu, naimwe mwe bana banono, muli bana banono abasuma, kabili kuti mwakwata ne fibusa, nomba cenjeleni umusango wa fibusa mulekwata. Nga cakuti uyo cibusa obe alekonka Kristu, kabiye na uyo cibusa. Konkeni Kristu, naimwe bene. Nomba nga talekonka, wiesha.

⁷² Natumuloleshe. Tulesanga ukuti limbi alisungilepo ifibusa. Aishileba intungulushi ikalamba. Aali nitungulushi pali ilya nshita. Kuntanshi, tulemusanga ukuba uwalunduluka mpaka ena—ena—ena akuula amatala nayambi umwakubika ifintu fyakwe. Kabili nomba aisa sosa kumwine, lintu akotele, kabili na masakamiko ya bwikashi bwa ku bwaice ne fintu ifya pitile, fyonse ifyo acitile, limbi, fyali fya kusekesha.

⁷³ Lintu umukote umwaume nangu umukote umwanakashi, nga ine, umukashi wandi, ba nyinenwe na ba wishinwe, tapali nangu cimo ico benga tontonkanyapo. Teti bacite ico, tekuti bafwaye ukuya kumbi elyo—elyo balapitana mu misebo, namwishiba, nga—nga filya umwana umunono enga cita, kabili na bakashana. Ukulaisha pamo, atemwa ukwishiba ni ani akaba umukashi obe nangu umulume obe, nangu, mwamona, tabakwata cilya mu mano yabo. Baali, baali kwata abana, baliposako amano. Efyo mukaba inwe bonse, mailo, nga ubushiku bwa mailo bukabako. Mwamona?

⁷⁴ Kabili moneni uyu cibusa, nomba, kwati limbi. . . Limbi no kupa taupile. Kabili, nangu caba ifyo, aali ni ntungulushi iikalamba. Kabili aikele. . .

⁷⁵ Kabili nga filya caba mu Yerusalemu, nomba, leelo, baliila pa mitenge ya mayanda, aka kene kashita mu bushiku, lintu kwatalala, kunse mu nshita ya cungulo.

Kabili tulesanga naumbi umuntu uwa cikope cimo cine pamo nao: umubusu.

⁷⁶ Kabili umuntu, ukufuma mukukushiwa uku—ukuti cindika umwina mupalamano obe, elyo cita ku banobe fintu winga temwa bakucitila, Mwamona, ukupitila mu kukana bulya ubwite bwakwa Kristu, mukulekelesha. . . Cilemoneka kwati, umulumendo ukukushiwa mu ng'anda nga filya, icintu ico mushingapoka kuli wene, nomba cali citike. Calicitike.

⁷⁷ Kabili kwa lambalele umuntu umo pa mpongolo, uwe shina lya Lazalo, alemulomba ne fya kulya, kabili ukwabula ifyakufumamo. Alelya utubufungau alepyanga, ifya kulya ifishalingile umubusu ukulya, kano fye imbwa. Kabili umubili wakwe waiswile ifilonda. Nomba uyu muntu ali uwa cindama mu mushi, elyo, akwete icifungalashi. Taleumfwa nangu cimo, pantu alikene bulya ubwite bwakwa Kristu.

78 Elyo limbi icungulo cimo, inshita nge fi, alekupukula no kunwa umwangashi, na banakashi abaemba, nabafwala no tu nkwingili, naba mushinguluka, ne fyapalako nge fyo, ne fintu fyonse ifyo umutima wakwe winga kabila, elyo no kuipakisha. Umubusu nalambalala pa mpongolo.

79 Kabili lintu akasuba takalatula, ubushiku bumbi bwakonkelepo, aali ku mbo, alebikisha kuli ulya Lazalo pa kuti ese abike amenshi pa lulimi lwakwe. Ifintu fyalipilibwike.

80 Kabili mwalasanga, lintu aselele ati, “Taata Abraham,” nombamba, aali acili alebukisha ukuti Abrahamu aali ni wishu wa ba Yuda. Ena atiile, “Taata Abrahamu, tumeni ulya umubusu Lazalo ese kuno no tumenshi pa kakumo kakwe, atoneshe pa lilomo yandi. Ici icimbili mbili cilenungulusha.”

81 Kabili atiile. . . na Abrahamu atiile, “Ukuti, Ine tekuti ncite ico,” mu mashiwi ayengi. “Kabili ukucishapo pali ici, mwamona, iwe walikwete ishuko mu bwikashi bobo.”

82 Ni lilali akwete ici? Lintu Yesu atiile, “Konka Ine.” Nombamba alishile kana. Aile inshila iya kuti enga pangilamo ulupiya. Kabili ico cili fye bwino, tapali icilubene no kupanga ulupiya, nombamba konka Yesu lintu ulecita ico. Mwamona? Kabili aile inshila imbi, pamo ne bumba.

83 Kabili mwalasanga ukuti, ena atiile, kabili Abrahamu atiile, “Nangu fye nga teifyo, paliko umuyenge pakati ka iwe na ena, uwa kuti umuntu uuli onse tabala ciluka, kabili takabale aciluka. Abo abali uko tekuti bese kuno, kabili naba abali kuno tekuti baye uko. Calipwa. Takwaba umuntu uwa abukapo atemwa kuntanshi uukabuka.”

84 Nombamba umfweni kuli ena. Alefwaya ukuba kabila wa mbila nsuma ilya nshita. Ubwite buntu Yesu amupele, uku—uku konka Ena, aali, kabili ukuba kanonka wa myeo, nga umulumendo, abwelele kuli ena na kabili. Alicibukishe, ukuti alikwete ba munyina wakwe basano, kabili kulya pe sonde, kabili tafwaile ukuti baye kuli ilya ncende.

85 Ena atiile, “Tumeni Lazalo, kanshi, pa kuti abwekelemo aye ebe bamunyinane ukuti bekesa kuno.” Mu mashiwi yambi, “Pokelela ubwite bwa, ‘Konka Ine.’” Mwamona?

Nombamba ena atiile, “Bena, bena tabacite ico.”

86 Ena atiile, “Ee, nga cakuti umo aima ukufuma ku bafwa, nga Lazalo, abwekelamo no kuya beba.”

87 Mwamona, cilangisha ukuti, panuma twafwa, kulaba ukwishiba ifilecitika. Ena alibukishe. Abrahamu atiile, “we Mwana, ibukisha, munshiku shobe.” Mwamona? Kulaba ukwibukisha. Tekuti ukane ukwishiba ifilecitika. Kulaba ukwibukisha.

88 Kabili na kulya ukwibukisha kuntu umuntu akwata, kabili mu ncende imo ine, aibukishe ishuko akwete ilya kumfwa

Yesu aletiila, “Konka Ine.” Lelo akonkele umuntu uwalubana, ibumba ilya lubana. Aingile mwi bumba ilya lubana, kabili no kuya ku ncende iya lubana, elyo mukulekelesha aisa isanga mu Muyayaya uwa lubana; ukonaulwa umupwilapo pali bulya Bushiku, ukufuma kuli Lesa umuyayaya.

⁸⁹ Yesu nao asoselepo amashiwi aya kali nganshi, “Nangu umo aima ukufuma ku baafwa no kubwekelamo, nakuba tekuti ba mumfwe. Pantu, nabakwata amalango yakwa Mose, kabili nga tabomfwile ayo, ninshi teti bomfwe nangu umo afuma ku bafwa. Tabakapatikishiwe.”

⁹⁰ Mulandu nshi? Mulandu nshi? Bushe amalango yalisoselepo ifyapalako nga filya? Ee. “Citeni kuli bambi ifyo mwinga temwa ba mucitila.” Kabili aikele mu nshita ya malango. Lelo alekele kalomba lomba afwila pa mpongolo. Mwamona? Aikele—aikele mu nshita ya mafunde yakwa Lesa, nangu cali ifyo afililwe ukumona ubukalamba bwa Mweo wa Muyayaya.

⁹¹ Mwe bana, imwe, bonse, mwaba fye kwati bana bandi. Imwe, bonse fye, muli fye kwati bana bandi abaume na banakashi. Mu nshila imo, muli bana bandi, mwamona, ukulandila ku mupashi. Ico nacilungama. Shikulu Lesa ali—ali mpela imyeo yenu ukuti ndesungilila, pantu mulesa, mu kumfwa kuli ine. Ine mwalincetekela. Mwamona? Elyo mu lyano limo ilya cebo, muli bana baume na banakashi bandi. Ico nacilungama.

⁹² Lyonse muleibukisha, ukusunga amafunde yakwa Lesa cintu icikalamba. Ukukushiwa mu ng’anda iisuma cikwato ukufuma kuli Lesa. Kabili ukuba abana abasuma ne mibele iisuma nge fi mwaba, cisuma. Cisuma, ukukwata amasambililo. Cintu icisuma no kwikala muli cino calo ica buntungwa. Twalikwata ifintu ifingi ifya kutotelapo.

⁹³ Nomba kwalibako icintu cimo ico tekuti mupyane. Mufwile mwa cipokelela Ici. Ico Mweo wa Muyayaya. Kabili kuti mwacita fye cilya ukupitila mu kukonka Yesu, ukupitila mu cakupitamo ca kufyalwa cipya-cipya. Wilekelesha cilya.

⁹⁴ Akalyashi akanono Naumfwile pa nshita imo, palwa muntu uwali, oh, aali umulanda. Elyo ena—ena lyonse alefwaya uku. . . Lyena lyashi lyakupanga ilili bwino, kwati. Lyonse cilaba pamo naine, nangula. Kabili ubushiku bumo, atolele iluba. Kabili iluba lyali lya majiki, ne luba lya mwaswike, no kutiila, “Waliba umubusu inshiku shonse isha mweo obe.” Lysosele ukutila, “Nomba lomba ico ulefwaya, kabili calapelwa kuli iwe.”

⁹⁵ Atille, “Kulya lubali ulupili kuti lwaisuka, elyo kuti Naya mulya no kusanga golide mulya mu lupili.”

⁹⁶ “Ukuba,” ena atille, “ufwile wa nsenda twaya bonse ukuli konse uko uleya. Mwamona? Ufwile wansenda twaya bonse. Pakuti, konse uko Ine ndi, kuti walomba conse ico ulefwaya.”

⁹⁷ Aile ku lupili, kabili no lupili lwaliswike, kabili alingile. Incende yaliswile golide kabili na diamond, ngefyo kalya akalyashi akanono kashimikwa. Atekele iluba panshi pe—pe tebulo, nangu, pa cilibwe. Kabili abutwike no kuya buula ilibwe ilyaluma umutengo, nokutila, “Mfwile nasenda ici no kuya langisha abanandi. Apa nomba Naaluka umuntu umukankala. Nakwata ifintu fyonse nomba. Mfwile nalangisha ici.”

⁹⁸ Kabili palya iluba lyafumishe ishiwi, “Nomba,” lyatiile, “naulaba icintu icikalamba.”

⁹⁹ Eico abutwike ulubilo ukubwekelamo elyo abuula, atiile, “Cisuma, limbi Nala—Nala buula akapimfya ka golide. Nalabuula akapimfya ka silvele.” Kabili asosele ati, “Nala—Nala cincila ukufuma, pa kuya eba abantu ifyo na Aluka umukankala, na fyonse fintu Nakwata.”

¹⁰⁰ Atendeke ukuya ku mwinshi, elyo iluba lya mweba ati, “Nomba naulabako icintu cimo icikalamba.”

¹⁰¹ Eico abwelelemo na kabili. Ena atiile, “Muno emo tusanga amabwe aya musango uuli onse.” Eico, atolele ilibwe. Ena atiile, “Nalaya, ntwale ulu lubwe pa kuti nange abantu umusango wa libwe ulu lupili lwa pangilwa, pa kuti Nkese lubwelela na kabili.” Mwamona?

¹⁰² Kabili atendeke ukuya ku mwinshi, kabili iluba lya mwebele, umuku wa...apa muku wakulekelesha nomba, “Naulabako icintu cimo icikankala.”

“Oh,” atiile, “oh, ikala tondolo.”

¹⁰³ Mwamona, talefwaya ukumfwa na kabili, “Nindaba icintu cimo icikalamba,” elyo abutwike ulubilo ukufuma pa mwinshi. Kabili ilyo acitile fyo, icibi cali mwisalile, ne luba lyaisalilwa mukati. Icali icikankala cali liluba. Mwamona? Icali icikankala cali liluba.

¹⁰⁴ Imyaka iingi iyapitapo, ngo mwana umunono ngefyo naimwe muli, kuno, ukutekelwa ingombe uku lubali, lubali lwa Phoenix. Nalebelenga akapandwa, ka fya kufwailikisha umukuba mu mushili, palwa muntu uwa lefwailikisha ifya mukuba mu mushili. Elyo, takwali imisebo iya kupulinkanya kuno pali ilya nshita, kwalifye utushila twa tondo. Bacili balacita ifya kufwailikisha ulubwe kuno, namwishiba.

¹⁰⁵ Nomba ulya muntu wa fya kufwailikisha kwa lubwe mumu shili ali shilemo, elyo asangile ulupiya ulwingi, no kwisa kwata icina bwingi ca golide. Kabili muli aka kashila, alekala mu kayanda akanono asangile. Elyo alikwete ne mbwa, kabili, i—imbwa, yalekakilwa panse. Kabili bulya bushiku, kwaliko icipondo icale mukonka, pa kuti cimupoke uyu golide. Asendele kulya mu mikoti ya kale iya bantu ba ci Spanish, elyo atendeke ukulabwela nasenda. Kabili imbwa yatendeke ukubosa.

¹⁰⁶ No muntu ulya talefwaya ukupumfyanishiwa na ilya mbwa. Atiile, “Ikala tondolo.” Atiile, “Mailo, Nkatwala, ku—ku kalale.” Elyo Nka . . . Ubupilibulo bwe lyashi bwali ifi. “Kabili Nkapimisha, elyo Nkabe umuntu umukankala. Kabili Nkashita imyotoka ishaluma umutengo. Elyo Nkakwata na banakashi imitundu yonse no kwangala sana. Kabili Nkaba umuntu umukankala, pantu kale kale Ine ninkwata icuma. Ninkwata golide apa, nayo iyafula nganshi.” Elyo atiile, “Ine nka . . .”

¹⁰⁷ Kabili lintu atendeke ukuya mu kusendama utulo, imbwa ya konkenyepo ukubosa, pantu imbwa yalimwene icipondo cileisa, calesokelesha, calelelela ukuti ulya muntu waishile mukulengula impanga asendame.

¹⁰⁸ Alibukile na kabili, no kupatila imbwa na kabili, atiile, “Leka ukupanga icongo.” Na ilya imbwa yaishile kuwa mu bukali mu kusoka shikulu waiko ukuti ubusanso buli mukucitika—mukucitika. Kabili ilyo ena a . . .

¹⁰⁹ Umuku wa konkelepo, lintu imbwa ya tendeke ukubosa, ulya muntu wakonkele ifya kufwailikisha amabwe mu mushili alikwete imfuti. Talefwaya uku mupumfyanya, aishile ima no kupika imbwa. Kabili naulya muntu wakonkele ifya kufwailikisha amabwe mu mushili balimwipeye bulya bwine bushiku, ku cipondo. Konse uku tontonkanya kwakwe ukwa fisuma takwamucitile kantu nangu kamo. Mulandu nshi? Atalalike ishiwi ilya lemusoka.

¹¹⁰ Takuli nangu umo uwinga cita icili conse, imwe mwe bana, tekuti mucite icintu icili conse ica lubana, panuma mwakushiwa mu nshila intu mwakushiwiamo, kano fye mwaumfwa cimo camweba ukuti mwicita ico. Nomba, tekweshwa ukutalalika ishiwi ilile musoka.

¹¹¹ Kabili lyonse muleibukisha, pokeleleni lilya i Shiwi ilya tiile, “Konka Ine,” kabili lyonse ukalaba uwa lungama. Nincetekela ukuti ukalaba uwalungama. Ninkwata ubucetekelo muli imwe. Nomba lyonse ibukisheni ukutila Yesu, lilya Ishiwi, lili ilya mweo pesonde cino cungulo bushiku.

¹¹² Nga filya fine, ishiwi ilili lyonse kabili na mashiwi yonse ayo twasosele yacilipo, lintu ishiwi lyafuma talimoneka no kuya mulya mu mwela. Ci . . . Mwamona, mwalikwata cilya icituma amashiwi. Imwe eimwe mwe batuma amashiwi. Nomba cikabila icitesheni umwakupokelela.

¹¹³ Kabili Yesu aali e Katuma wa Cebo cakwa Lesa, pantu Ena aali ni—Lesa patatu ukuilangisha mu Muntu umo. Aali ni Lesa uwapwililika kabili u Muntu uwapwililika.

¹¹⁴ Kabili na bu Lesa patatu, imimonekele yakwa Lesa patatu, pakuba Taata, Mwana, na Mupashi wa Mushilo, fyaleiminako ulya wine Muntu umo wine, Yesu Kristu. Eico, kulya, Ena aali i Cebo.

115 Kabili Ena aali ewa Kutuma amashiwi aya sosele ati, “Uyo onse uumfwa Amashiwi Yandi, no kucetekela muli Ena uwa Ntumine, nakwata u Mweo wa Muyayaya.” Mwamona? “Icine cine Ndesosa kuli imwe, uyo onse uumfwa Amashiwi Yandi, no kucetekela Ena uwa Ntumine, na kwata u Mweo wa Muyayaya.” Nomba, lilya i Shiwi lyalifumine mulya mu ca Kutuminamo. Atiile, bushiku bumo, “Icine cine Ndemweba nati, nga wasosa kuli ulu lupili, ‘Sela,’ ukwabula ukutwishika mu mutima wenu, lelo mwacetekela ukuti ico mulelanda cikesa citika, uka pokelela ico walomba.”

116 Nomba, nga cakuti iwe waba icitesheni ica kupokelela Cilya, ukubomfya ifya kutungulula mukati kobe, ukupitila mu cicetekelo, cikakutwala mulya mwine mu mibele yakwa Lesa, ku Kufyalwa kupya, no kuba uwafyalwa cipya cipya. Nomba lyonse ukaba mu kwampana capamo, mu kumfwa lilya i Shiwi ilikala kusoka lyonse lintu ubusanso bwapalama. Lintu ifintu fyalubana, fyatendeka ukulubana, Cikalaba fye kusokwa kuli iwe. Elyo nomba, mucifulo cakuti ukabe nga ulya cilumendo umukankala untu tulelandapo; ba ngo mwaume nga umusole Petro, Paulo, nangu uuli onse paba nonkele imyeo kuli Yesu Kristu. Mucite ico, mwe bana banono.

Bushe kuti twapepa?

117 Shikulu Yesu! Misepela, abaume na banakashi ba mailo, nga kukabako bu mailo. Tulekabila ukubasambilisha, Shikulu. Tuleumfwa cilya icisendo, ica kusambilisha kwati kukaba bu mailo. Nga takwakabe, ninshi leelo e bushiku bwine.

118 Kabili nomba, Taata, twalishiba ukuti takwaba nangu umo uwingapokelelwa mu cinso Cenu. Takuli nangu umo umuntu uwinga itakisha. Takuli amasambililo, nangu ifi fintu finga emba shani, takuli imilimo isuma nangu imo, takuli akabungwe ka mipepele, takuli ifya kusambilila amatontonkanyo ya bongo, takuli nangu cimo icinga shininkisha Lesa kano Mupashi wa Mushilo. E Cibombelo, Lesa Umwine, mu mibele ya Mweo wa Muyayaya, ewingesa kuli ifwe pa lwakwe. Kabili tuli abatotela palwa ici.

119 Icine cine cailangishe lintu Petro aisosele amashiwi. Yesu alandile kuli wene, “Umubili kabili no mulopa tafisokolwele ici kuli iwe. Tawasambilile ici mu ma seminalyo. Tawasambilile ici ku sukulu limo ifi.” Cintu ica palobe, icintu ico cila umo umo afwile ukupokelela. Mwatiile, “Pali ici cilibwe epo Nkakula i Chalichi Candi, kabili ne mpongolo sha kumbo tashakacimfye cena.” Tuli abakutotela pali ico, Shikulu.

120 Lilya Ishiwi licilipo na nomba muno cungulo bushiku. Kabili kuliko ne nkuta, inkuta shinensu, inkuta shinensu uko baleumfwa, ifitesheni ifilepokelela, ifya cicetekelo, abenga Cipokelela. Twapepa ukuti cila umo na umo uwa mu bana banono balapokelela Cilya, Shikulu, mu mitima yabo. No

kwibukisha ukuti, tefilya ifyo bacita ukuti babe abalungama, nomba... Lesa tatupingwila pafyo tucita, kano ukupitila mufyo twapokelela. Twapusuka ukupitila mu cicetekelo, kabili tekupitila mu milimo yesu. Eico twapepa, mwe Taata wa mu Myuulu, ukuti balaikata icimonwa nomba, no kumona no kumfwa bulya ubwite bwa Muyayaya, ubwa “Isa, no Kunkonka.”

¹²¹ Lekeni cila umo umo, Shikulu, bapilibuke ukufuma ku fintu fya mwi sonde, ubu bu mubili, ubwikashi bwa bipa. Lintu bali pano muno cungulo bushiku, ne mishishi yabo iyapombana, bambi nabo imishishi iya fita, na menso aya fita, na menso aya makumbi makumbi, elyo baleikala mu nshila iisuma intu bakalaikalilamo.

¹²² Nga filya kalemba mukalamba asosele, “Ibukisha Kalenga obe mu nshiku sha bwaice bobbe, lintu inshita sha bubifi tashila palama kuli iwe. Nomba tawakakwate ukubekelwa muli fyene.” Mu nshila nshi, Shikulu Yesu, Mwalandile kuli Petro, “Lintu wali umusepela, waleima no kuya konse kuntu walekabila ukuya. Nomba lintu wakula, umo umuntu akubika mu ncende muntu taulingile ukuya.” Lekeni bebukishe, “Buno e bushiku bwine. Aka e kashita kene.” Cisuminisheni ici, Taata.

¹²³ Nabapoka bonse capamo, nga bana bandi, cino cungulo bushiku, ku mwana onse muno. Njishibe ukuti Imwe mwalibabika mu maboko yandi, ukubalolekeshapo. Nabapoka bonse, ukufuma kuli Satana na ku mfwa, ukulola ku Mweo muli Yesu Kristu. Ameni.

¹²⁴ Mupalwe, mwe bana. Caciba icintu icisuma ukusosa amashiwi ayanono kuli imwe. Kabili Nalabwekela kunuma, Billy. Abana abasuma, ndemitasha. Munyina Fred, Shikulu akupale. Shikulu akupale, we nkashi.



ISA, KONKA INE BEM63-0601
(Come, Follow Me)

Iyi Mbila na Munyina William Marrion Branham yaletelwe intendekelo mu Cingeleshi icungulo, Kapepo Kakalamba 1, 1963, mu Kulongana kwa mu ņanda ku Tucson, mu Arizona, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org